



Oshigongingeleki shopaulumom-pumbwe muApilili

ONIPA: Elelongeleki lya ELCIN olya dhambulula ompumbwe pu ningwe oshigongingeleki shopaulumompumbwe mbalambala muApilili, manga shoka shopamautho shomumvo 1987 inaashi thika. Omasiku 2 sigo 4 gaApilili ogo ga uthilwa omutumba ngoka mOngwediva.

kOngwediva petameko lyaApilili, iilyo yoshigongingeleki shoka sha tetekele oyo tuu natango tayi tegelelwa yi ka kale moshigongi tashi ya, pamauthom-pango.

okukala mo, natango opwa yelithwa mehiyo lyongashingeyi, kutya natango ezimininwo lyawo oli na oonkondo.

Osho wo aatalinawa mboka yaa shi iilyo yoshigongingeleki noya li ya zimininwa

Inapu tungwa natango elandulathano lyoshigongi, ihe ombilive yehiyo oyu uvaneka li ka tungwe mbala kElelongeleki. Kakele kootundimbimbeli, noowa-

Tala kep. 4

Pantokolwa yElelongeleki lyeti 12-13.12.1985 mOniipa, oshitokolitho 597/85, ompumbwe yomutumba gwo-shigongingeleki shoka oya holoka po, opo pu kongwe ondjila yokutsikila nepolo lyiikandjongeleki ya tokolelwe mOshigongingeleki oshiti 12 shomumvo 1984.

Oshigongi shiyaka osha tokolele Ongeleki ya ELCIN kutya otayi vulu okutopolwa miikandjo itatu notashi ti Ongeleki otayi longekdiha ando okuhogolola aambisofi yaali oshita, opo ya gwedhe ngoka e li po nale.

Konima yetokolo ndyoka, oshilyo shimwe shElelongeleki osha nyola etameko lyasho kedhiko lyiikandjo itatu oshita ndyoka lya tuminwa Elelongeleki. Elelongeleki olya thiminikwa ihe li ithane oshigongi shoka sha ningile etokolo, opo shi kundathane noshi talulule etokolo lyasho.

Pahiyo ndyoka lya zi mombelwa yomumbisofi, omasiku ngaka nolya tuminwa omagongalo gi ilongekidhile okuya



Omwedhi Febuluali ogwo omwedhi gukongindjila. Ehangano ndyoka mokati kaakiintu mOngeleki ya ELCIN olya gwanitha oomvula 20, sho lya dhikwa. Methano ndika kolulyo lela otaku monika Amushanga gwehangano feelani Victoria Shituula.

AAKWALUTHER MUAMERIKA OTAA KA HANGANA UUNAKE?

Esiku 1.1.1988 ndyoka lya kala lyu uthwa kOongeleki oonkwaluther muAmerika omo ando mu ka dhawe oshituthi shehemukilomumwe lyoongeleki 3, ngashingeyi opwa dhimbululwa ishewe kutya oli li unene popepi, okutala shono shi na okuningwa po natango.

Omadhiladhilo ngaka oga holoka mokafu kAakwaluther moshilongo shoka kedhina News Bureau 86-02. Omalongekidho gehengumukilomumwe oga tamekwa konima yoomvula ne dha piti.

Nonando esiku lyu utilwa oshituthi shehengu-mukilomumwe olya fa li li natango kokule, eindilo lya zi kaambisofi 3, olya tumwa kokangundu komathaneko gethimbo ka gwedhele natango oomwedhi hamano.

Okuza Septemba 1982, Oongeleki 3 onkwaLuther muAmerika, odha tokola dhi hengumukile mumwe, dhi ninge Oongeleki yimwe ayike. Okangundu kiilyo 70 yi lile po omaithano gi ili nogi ili osho wo omihoko, oka totwa po, ko ka longekidhe oshinima.

Oongeleki ompe otayi ka kala yi na iilyo oomiliyona 5,3 notayi ka lelwa kiigongingeleki 64. Edhina lyOongeleki ndjoka olya thanekwa li kale ando: Lutheran Church in USA (LCUSA), shimpa tuu lya kolekwa.

Opwa dhimbululwa oongeleki dhimwe inaadhi mana natango naashono tashi pulwa komakotampango gadho. Natango opwe etwa ehokololo, kutya opwa pumbiwa natango iimaliwa oodola oomiliyona 6, okuhololitha po Oongeleki ompe.

Ehokololo olya tsikile lya ti, Oongeleki kehe otayi ka pumbwa wo iimaliwa oodola oomiliyona 50 konyala oomiliyona R 107,00. Okuza oongeleki yimwe sho ya holoka po, opwa thanekwa ando oongeleki kehe yi ka pumbwe natango iimaliwa oodola oomiliyona 23 okulongitha moomwedhi ndhoka dhopetameko.

Okomisi yiilyo mbyoka 70, oya kala wo ya hogolola natango uukomisi owindji okukonakona iinima yi ili noyi ili nkene yi na okupita.

Elelepeko lyethimbo inali pumbiwa ashike manganza iimaliwa tayi monika, nenge molwekoleko lyekotampango. Ehokololo olya ti, omatompele omakwawo oge li momayooloko ngoka ge li po natango pokati kooongeleki tadhi hangana ngashi; eyooloko mokuyapula aanashilonga, mokinga omageeloputudho nomeyakulitho lyakwanegongalo, iinima mbyoka inaayi faathana.

“Oongeleki oya li ya pumbwa nokuli oomvula 2 natango, manga taku kongwa etsokumwe miinima mbyoka,” osho omumbisofi L.David Brown gwa ALC, a ningi ethaneko lye. American Lutheran Church (ALC) oongeleki yimwe yaandhoka tadhi hangana. Oyi na iilyo oomiliyona 2,3.

Oongeleki oonkwawo 2 odho; Lutheran Church in Amerika (LCA), yi na iilyo oomiliyona 2,5 osho wo Association of Evangelical Lutheran Church in America (AELCA), yi na iilyo 112,169.

Pathaneko lyokakomisi kehengumukilomumwe, Oongeleki ndjoka tayi dhikwa, otayi ka pumbwa iimaliwa oodola oomiliyona 20,99 opo yi vule okutameka niinakugwanithwa yayo. Momwaalu moka otaku ti inamu kwatelelwa manga omatembu gaanashilonga ngoka ga tengenekwa noodola 26,000 komuntu kehe.

Sebulon Ekandjo

Ookuume mbono u li nayo aawanawa nenge aawinayi?

Opo u yamukule ndje nawa, nandi ku pe manga uyelele kuukwatya wuukuume mbuno tau ikondjitha.

A. Uukwatya wookuume aawanawa.

- Oye na ondilo, nohaa lalakanene esindano lyashili.
- Oye na ehalo aluhe okweenda nondjila yaKalunga.
- Ohaa dhama meitaalo lyawo.
- Oye na ombili nohole yuumwayinathana.
- Oye na ekwatathano naayeche taa kongo ondjila yOmuwa.
- Aanalukeno notaa pangelwa konteni.
- Ohaa longo nuudhiginini medhina lyOmuwa.
- Oya tonata miilonga yopaKalunga noya posipala miilonga yopasatana.
- Oye na aluhe omalandulathano gopaKalunga.
- Oye na ohoni okukonga iilonga tayi shekitha edhina lyaKalunga.
- Ohaa idhidhimikile omaudhigu nohaa ga kandula po wo.

B. Uukwatya wookuume aawinayi

- Oye na ombiliha nohaa puguma mesindano nomoshili.
- Ohaa pukitha yakwawo.
- Ihaa adha omathikilo nokulya iiyimati yesindano.
- Aahalakanithi yaashihe
- Aahongololi naana yiifundja
- Aakondjithi yeitaalo lyomuKalunga.
- Ohole yawo oya pumba noya talala.
- Aaimangeleki naaholi yiikolitha.
- Aasheki yOohapu dhaKalunga
- Kaye na ombinga hono ya gama, oya fa omalimalima.
- Ihaa lesa Ombimbeli yaKalunga, oshoka otayi ya tompele iilonga yawo yomilema.

Ou li mongundu yini?

Nangolo Adam F.Iiyaloo
Oshilemba



Omumvo 1983 moshituthi shegwanitho lyoomvula 100 aakriste yotango sho ya shashwa mOwambo, yaali yomaawilikingeleki yoongeleki dhomuAmerika oya li wo ya talele po Namibia. Methano ndika otaa monika ya thikama nomumbisofi Dumeni taa kundathana. Kolulyo omumbisofi James Crumley gwa LCA, nokolumoho omumbisofi David Preus gwa ALC.

“Kalunga shitile nge omutima wayela.”

*Eshi osha tumbulwa komukulu wonale,
Ohamba David mwene e shi lombola
Eshi ina hala a kale moungone,
Shaashi oku wete tau mu ombola.*

*Tate Kalunga meemhofi twa kala mo,
Pamba mokukumuka itatu di mo,
Namhongo moukulu twa anyena mo,
Moupofo inatu hala okudja mo.*

*She luulika shoovene wa hala ku tu konga
Kalunga ino hala osho hatu shi longo,
Pamba nghee tuu wa li ku tu konga,
Apeshe opo fye tu li moilongo.*

*Pefimbo lopaise epapuduko inatu li hala,
Mounyuni wanakanena elandulafano inatu li pumbwa
Monghalo ikulu fye twa hala.
Vati ngeno tu he na eshi fye twa pumbwa.*

*Ashishe hatu shi pumbwa elidulululo.
Tate twa pumbwa elitalululo.
Opo hatu shiiva okuya meteelelo.
Atushe nghee tu na eyalululo*

*Etumwalaka loneudo olo ngaha
Etumbulo lanashili li shikuleni
Atusheni natu tyeni ngaha
Vakwetu natu lidilululeni!*

*Umwe te li popile ta ti: “Ohandi nyengwa.”
Mukwao ta ti: “Ame itandi shi dulu.”
Ye umwe: “Ame ohandi shi lengwa.”
Ye Pamba ta ti: “Ashishe oto shi dulu.”*

*Otelefona otu i na ya lavelela.
Ongodi otu i kwete ya kolelela.
Oyo tai fiki pokulelela.
Opo fye atushe hatu likola.*

*Kape na shimwe, kakele keilikano,
Tu na ku shi ninga okwiindila
Ndee keshe umwe na tumbule
“Kalunga, shitile nge omutima wa yela”*

*Tate etimaumbwile paife otu li kwete
Exupifo atushe le tu yelela
Onghee noneudo tu ingideni
“Kalunga, shitile nge omutima wa yela”*

*Shaxuuninwa tu shi na osho ouwa
Osho atushe hatu shi lalakanene
Atushe twa shi longelwa mouwa
Eshi Kristus e li Omunene.*

*Vakwetu tu papudukeni
Vamwatate tu lidilululeni
Atushe tu indileni
Namhongo tu mu shikuleni*


Ku F.J.Nashidengo

EPURO

Tani pura nakauke kepuro eli varesi vakwetu namuvenye nosifo saMukwetu, asi. Ame kuna kara nepuro lyange eli asi. Kwa kere nomukadona goge mwali hara nawa-nawa nye ogo mukadona to mu tara nkedi zendi ngwa unene noguhwe nozina nekoro lyendi nalinye.

Makura murugani gumwe tamu hekerekere nomamudeyisende gendi goyimaliwa age makura tamu zonagura a mu pe ezimo age gahana ku mu kwa konyima zonovhura mbali, ndi ntantu ngoso age simpe noku mu horokera si gumwe nye oge mukadona age gali tezurura kongereka. Ame makura ni ya mu kwarepo ngoso ngapi nye? Tareni tanko mwa
1 Vakolinte 7:25-36 mu wape kulimbura nge nawa-nawa epuko lyange otyo.

S.L.Katembu
Kombat



Omulongwafita F.Nashidengo

Omulumentu nexungomwenyo laye

Oshitya “Exungomwenyo” osha tungwa po koitya ivali okuxunga nomwenyo. Ovanaudu ohava tekulwa nefiloshisho lowina, opo va dule okumona vali oudjolowe. Osho tashi xungwa osho omwenyo nongee omwenyo owa hakulwa omunhu otashi dulika a veluke nopalutu.

Mexungomwenyo keshe, otamu lalakanenwa okuxunga omunhu e li monghalo tai mu veleke. Kamu na okayova, ovafyoona, ovakengeli, ovakwanghala, ovayamba, oipuna, ovanaudu, oingudu, ovakoneki, ovafiyekadi novafiyelume, aveshe ovalumenhu novakainhu ovo tava shonekwa meenghalo davo da yooloka, opo va hakulwe, pamwenyo.

Mehandu, mouwike, moluhodi, metumboshi-nyenu, melyuudongunga, moshidimbi shokomwenyo nomewopedu lokomwenyo, ava ovo tava pumbwa ouhakumwenyo ve shi shii ile ve he shi shii.

Omulumenhu

Natu taleni tete kutya omulumenhu ta popiwa ngehene ta xungwa oye naanaa lyelye. Pabiology omulumenhu omushitwa pamwe noishitwa aish e na okudalwa lumwe, ta kala momwenyo lumwe nota fi lumwe aluke.

“Moukwatatu” ou ovanhu aveshe ove fike pamwe. Ngee obiologi oye ta penge ko oku twa hala, natu alukile kOmulumenhu, 1) pambibeli 2) moshiwana 3) mOngeleki.

Omulumenhu paMbibeli

PaMbibeli omulumenhu oye efano nefimano laKalunga (1Kor. 11:7b) Onghee Kalunga

okwe mu nunina onhele yelao. Ta ti: Omanha omulumenhu muwa otaa yukifwa kOmwenene, ngeenge ta punduka, ita wilile po, osheshi Omwenene ote mu yakele. (Eps.37:23-24)

Omulumenhu e li efano nefimano laKalunga, eli olo ekini lomulumenhu. Omwenene e mu tula pomufenu shaashi ote mu yukifile ondjila yaye kelao. Omulumenhu ta yambulwa po kOmwenene, ngee a punduka. Onhele yOmulumenhu paMbibeli oyo eke laKalunga e li meke lOmushiti waye e mu hole.

Mexungomwenyo lomulumenhu otaku lalakanenwa eyambidido nekwafelo, opo a diinine onhele yaye netimba e li na lokukala efano laKalunga mounyuni.

Omulumenhu mOngeleki

Ngee otwa ti aalumenhu moshiwana shetu ove li eenhani dokomesho, mOngeleki yetu ovalumenhu vahapu ove li okatempa ka papa - Omulumenhu oto lipula ashike kutya shi li pipo shi na okupona po oshikwao. - efimano lopashiwana ile olaKalunga olo hatu hange ouyadi walo meni lOngeleki? Etumba lopashiwana nondjovo youKalunga kai shi ku likwata meenyala moufikepamwe nomoulumenhu wonena.

Mokulapa sha alushe otu na okutala osho sha eta epapo nge tashi wapalekwa (shi vandekwe) noiwapalekifo. Pamwe otjupa oya heva, fye hatu longifa oTip-topa, ohatu wedele kepapo. Pamwe Ongeleki oi shii okukala omutumba natango nokutalulula exungomwenyo lovalumenhu - Pamwe Ongeleki otai xungu ovalumenhu nexungomwenyo li he fi lavo? Nye ovalumenhu inamu hala exungomwenyo lOngeleki, omwa hala leni vene li li “oshilumenhu?”

Omulumenhu a pumbwa chungomwenyo

Omunhu waKalunga oto mu hange nomaukwatya aa:

1. Omulumenhu a kanifa ombili nkoshipala okulula.
2. E lietela onghenda ngonghelo;
3. A kanifa eenghedi nomikalo diwa dopanhu.
4. Omukehenakonasha nota ningile oinima ii owina.
5. A kanifa ehala lokulya nokunangala.
6. Omulumenhu te liefele ekako nokolutu.
7. Ta ehama vati, ndele olutu alishe.
8. Ta popi oingaho nota handuka noupu.
9. Ta polimana nokupwaalala a fa onghambe ya dja elenge.
10. Omulumenhu e lidina ye mwene.
11. A kanifa eteelelo nomukumo.
12. Omulumenhu a kanifa ohole, ouxwenge nonge.
13. A kanifa elineekelokalunga.

Omaukwatya a tumbulwa otashi dulua taa etwa komanyono onhumba inaa dimwa po; kekanifo lemona novaholike omolwonghalo ile okokutili-fwa nefyo nosho tuu.

Exungomwenyo lomulumenhu li na okulalakanena okutala Jesus Kristus monghalo ya nyaika yomulumenhu. Okweeta ehekeleko nekwafo lomulumenhu e li moudjuu noku mu shilipalekela onghalamwenyo yaye. Omulumenhu - oove efano nefimano laKalunga. Omunhu keshe oku na sha nexungomwenyo, oove omuxungimwenyo.

OONKUNDANA DHA ZI KOVENDUKA

KuJohn Shitundeni

Aanambelewa yamwe yomiilonga yOraata yOongeleki muNamibia (CCN) mOvenduka, otaa longele ngashingeyi momatungo gOongeleki Onkwaevangeli paLutheri muNamibia (ELK), ndjoka yi na unene iilyo mUushimba amuke; omanga yamwe ishewe ya hokololwa taa longele momatungo gOongeleki yaAnglikana moshilando tuu shoka shaVenduka.

Elunduluko ndika lyombaadhilila, olya holoka sho oombelewa dha CCN dha fikilwe po lwopondatu yokoongulasha dheti-23 lyaJanuali 1986. Pafatululo lya gandjwa kuAmushanga Ndjayi gwa CCN, omusamane Abisai Shejavali, metungo omwa yi omuntu e na omahooli gomoolamba nokwe ga tile momala agehe gaheyali nomoombuli.

Omayego momakana gaantu oyendji, pethimbo ndika kage shi we oshilongitho oshiwana-wa oga ninga omukundu. Oondohotola dhuuvu mboka otadhi ti, kutya sigo onena aantu oyendji oye na uuhethi wokwopaleka omayego. Aluhe konima yokulya sha, opaleka okana koye nomayego goye.



Omalunza gamwe ogi itaala kutya omukolokoshi nguka okwa longitha oshipatululo, oshoka kaku na endhindhiliko lyasha tali ulike mpoka a pitile.

“Pompile onda thiki po ethimbo lyongula, nonda adha aaniilonga yomoombelewa ndhoka dha fikwa po ya thikama-thikama pondje ya tegelela omusamane Shejavali, opo e ya tseyithile shoka sha li shi na okuningwa po esiku ndyoka. Kokule kashona okwa thikama okangundu kaa-tungi taka kundathana nkene ke na okutungulu-la etungo ndyoka ewanawa kwa li lya kumbwa noondhopi dha kola oontiligane.

Etungo ndyoka pakuuva, olya li lya landwa komuselekadhi omuyamba ngoka a li e na mwene omunafaalama gwoonzi kuumbugantu-uninginino waVenduka. Kapwa li nando pwa ningwa onkambadhala yasha yokugamena etungo ndiyaka ongeliko lya simana moshigwana; olya li nokandhalate hoka kolugumbo okafupi, mo molugumbo kamwa li hamu lalwa komukeeleli nenge wo tuu koombwa.

“Sho nda yi meni, momayulu gandje otamu ya ezimba lyolwithi. Oongaku dhandje odha li tadhil lyata natango momeya gaadhimi yomulilo. Mpaka naampeyaka onda tala oondumba dhoo-

mbapila dha ninga omakala; ndhoka inaadhi lunguna po, nadho itadhi tumwa we, oshoka odha hepekwa nayi komeya.

Momwenyo otandi ipe uusama kutya oshuta onde yi zalele shike; otayi imbi ndje ndi thaneke iinima mbyoka yi li pothina; oshoka ngele omuntu owe e gamene kekuma nenge kushaashoka shi li mo, oto zi po wa luudha.

Ehala olya siikililwa kemweno etilithi ihaali kala mo shito. Shaashoka to gumu osha kukuta: iipundi yomashofa, uushina wokuyalula niikwamashina yilwe omuntu oto yi dhimbulula nuudhigu. Ngele owa tala moombuli omeho goye otaga tsakaneke iikogo yothinge tayi matuka.

Shoka nda mono nomeho gandje sha hupu osho otelefona. Onda lombwelwa kutya iinima yimwe mbyoka ya hupu oya tutilwa komahala galwe. Pakupopya kwaashiinda noombelewa ndhoka, aadhimi yomulilo oya thiki mbala poshiponga shika shomulilo noya hupitha ngaaka iinima yilwe unene mbyoka ya adhika mombelewa yomusamane Shejavali, oshoka yo inayi gumwa naanaa komulilo kakele kontala.

MOvenduka, onda li wo nda mono ompito yokupulakena omadhiladhilo gaantu yalwe mboka ya gumwa koshiponga shoka sha adha ehanganono ndika lyoongeleki odhindji moshilongo. Gumwe okwa ti:

“Tse aakriste itatu haluthwa kiiningwanima yoludhi nduka, oshoka otwe shi tseyi nawa kutya pethimbo ndika oongeleki moshilongo shetu odhi na aatondi oyendji, onkene omuntu ku na sho inoo tegelela.”

“Ngoka a ningi oshinima shika, omugoya oshoka okwa yonagula oshinima shOongeleki ndhoka dha tseyika apehe muuyuni,” osho ishewe gumwe e uvite ngaaka mokudhiladhila onkambadhala ndjika yokumweneka ewi lyoshigwana ndyoka olwindji tali pitile moongeleki ndhoka dhi li iilyo ya CCN.

“Nguka a fike oye omunandumbo; ina hala nando Oraata yOongeleki sho tayi kwatha oohepele moshilongo noonkwatwa notayi tonatitha oshigwana pamukalo gwelongo,” osho gumwe a tumbula pompito yimwe.

Oraata yOongeleki pomimvo dha zi ko poompito odhindji, qya kala omupokati koshigwana naapangeli yomoshilongo. Ohayi nyolele wo oontumwafo dhomontaneho koministeli yotango yaSouth Africa omolwomikundu dhaNamibia.

Moshinima shokuhasimaneka uuthemba womuntu moshilongo shetu, Oraata yOongeleki oya nyanyangidhitha okambo kedhina nenge koshipalanyolo: **OKUKWATWA NOKWIDILILWA MODOLONGO PEHE NA ETOKOLO LOMHANGULILO MONAMIBIA.**”

Pafatululo lyaAmushanga Ndjayi, okambo haka oka holoka po kekwatho lyomutseyiveta, omusamane Ephraim Katatu Kasuto. Oraata ndjika oya totelwe po pomimvo 1978-1979.

Pomasiku tuu ngoka CCN ya fikwa po, mOvenduka omwa ndhindhilikwa ishewe omatungo gamwe ga ningwa oombululu. Omatungo nga-


ka ongaashi egumbo lyaayenda lyOongeleki ya ELCIN, oombelewa dhEhangano lyokulonga okushanga nokulesha noombelewa dhoshifo oshigundjuka nohashi leshwa nohokwe kaakalimo, shedhina “The Namibian”. Nopompito ndjika, aapolisi yaVenduka, inaa kwata natango ngoka a longo iihuna mbika.

KATUTURA: Omasiku hamale ga piti po sho iiningwanima ya tumbulwa ya ningwa, molukanda olunene lwAaluudhe muKatutura moshitopolwa shoka hashi ithanwa Soweto, mwa holoka ishewe ekuyunguto limwe. Ongundu tayi tengekelwa pomathele 300 oya halakanithwa kaapolosi. Moshiningwanima shika sha li sha longekidhwa kongundu yaagundjuka ya SWAPO okudhimbulukwa esiku lyombili lyiligwanahanganano, omwa ehamekelwa aantu yamwe nayamwe ye vule 50 oya li ya kwatwa, ihe oya mangululwa mesiku lya landula sho ya futulwa mo ooranda 100 kukehe gumwe.

Mwaamboka ye ehamekwa otamu hokololwa mu na omukiintu a teka okugulu sho a nuka kekuma monkambadhala yoku ka holama “omuku”, nenge ombepo ndjoka ya li ya longithwa kaapolisi nohayi zitha aantu omahodhi. “Mboka ya mangululwa, esiku ndyoka oya li taa ndanisa nokwiimba omaimbilo gondjuulukwe yemanguluko noku ulika oongonyo mombanda sho taa zi poombelewa dhaapolisi yu uba komagumbo,” osho mboka ya li po ya hokolola.

Mokati kawo omwa li mu na omusamane Anton Lubowski (Oshilumbu) ngoka a popya montaneho noyiilumbu iikwawo kutya ye oshilyo shehangano lya SWAPO. Oku li omunaveta pashilonga she, nomukulukadhi gwe ngashingeyi oha longo moombelewa dha CCN.

Omwa li wo yamwe yaamboka ya mangululilwe koRobben Island nosho wo omukiintu gumwe gwedhina Ida Jimmy ngoka aniwa a mangululilwe pehulilo lyomumvo gwa zi ko sho a kala mondjedhililo omimvo 5, sho aniwa a li ta ningi oshipopiwa shi na ezimba lyelongitho lyoonkondo.



Omushamane John Shitundeni

Sirongo setu saNambia kuna kureta epiyagano unene sili

Mokutara omu tuna kara mosirongo setu nomu tuna hingiremo, awe kاپisi ngano hingiliso zongwa. Vawketu, posili sininke simwe esi sina kureta epiyagano unene sili. Kombinga zetu ose varugani nokombinga zava vanasikora vakwetu.

Tara tanko moVakolinte 5:1-3 o purakene omu zina ku tu rondora mbudi zongwa. Tareni omu tuna kureta epiyagano kombinga zomoNamibia zetu. Ngoso ove murugani ngoso ove wa kwara nepata lyoge novana voge, makura nye to zi o ka piyaganeke vanonagona ava va pira kukwara rumwe. Yeeyi ono kara nomamudeyisende goge melimba lyoge.

Okey, purakena nye. Makura to damuna tukara zoge noupepe wazo wa hana kurondekamo vana woge namukadoge. Makura ove makura to ka rondeka mo vakadona o ka va hekereke nonoBiera doge, ngoso sili-sili vakwetu yiwa sili-sili ndi?

Tarera nye eyi nayi ka horoka komeho. Imo nakerera mazuvha nagenye ngororo eyi ngozumha ko asi munona ngandi nezimo lyendi. Notarako munona ana ka tunda kosure asi tani vere.

Ano ozina eyi navamu dimburura tava mu mono munona asi: Nomarutu gavali ana kara nago. Ku mu pura asi oku wa gwana olyo ezimo kwalye? Age kuna ku ka tumbura odjaNangura. Ozi na noguhwe tanko guna va pyaga kuzuvha mukurona gasika pena.

Ano djaNangura eyi na mona asi kwina lina zonagwireko natara ko koRupara lina kuduka ganena nosituwa salyo, dogoro hena ngali - kayipikeko yimwe hena, dogoro SINENE tupu tali nyateke sirongo mudima.

Asi olyo ngoso kuna kulikanganga asi: Egara lyezuni ngoso. Ano a kare mudinkantu mati nage hena yimo sinene tupu ta zonagura vanona wovakadona ngororo. Mudinkantu tara mo IKolinte 6:18 omu zina kutanta Bibeli.

Awe nye novamudinkantu kadona omu ogazara ngapi? Kugazara asi venakwetu vadona. Nye sili-sili navenye vena murongo vadona sili-sili o va vure ove ndi?

Mudinkantu gazara po nawa-nawa. Olyo etuwa onokuronda kاپisi lyoge. Etuwa lyonyaNangura olyo. Ano eyi ngasi zonauka situwa salyo. Notara ko djaNangura lyo-lyo li na kusuwayika tali wiza ko nyaNangura. Asi tani zi kwamukadange.

Melimba mwato nampili epeni lyegeha. Yilyo sa nye egara olyo. Nove mudinkantu nove ngosikwawo dopa-dopa moSekondere kuhokwa vakadona velike ngo tarako mumati Reino pira neyi ana ku rugana kwato. Vadwareke ko vanona owo va gava-gava moSekondere kwato.

Oshoongalele shounona momuve

MOlomakaya la dja ko okwa li twa ninga oshoongalele shetu shounona momuve wedina Shopondjila. Moshooongalele shetu vakwetu avesho okwa li va tala nge ko ndi li ongomonashipundi notwa li twa kundafana ngaha:

Ohatu indile koshiwana ashishe nombelewa yOshinyanyangido tu kwafelwe, Omukwetu a ha nyamukule vali omapulo e na sha noukwapata.

Omukwetu ina nyanyangida sha vali shi na sha nomafyululo, osho yo oinima ikwao yoludi olo, osheshi oya dja eedula donale noya xulila momudo va dja ko 1985.

Fye otwa loloka okukolonyekwa, okukandwa eexula molwolwiso leluko, okudengelwa keholo molwoukwapata, okunyekwa nomaukoloni makwao hatu a ningilwa.

Fye otwa hala exumokomesho, emanguluko, ombili tu talike ko ongovanhu vakwetu, tu ifanwe omadina etu ngaashi a lukwa. Twa pumbwa ovakulunhu vawa, ofikola neemhumbwe dayo de lixwapo, okulungwa oilonga yokomake meefikola nomomaumbo, tu findikilwe konhele yomaudifilo eendjovo daKalunga tu yandjwe momake aKristus kaume ketu. Fye otwa hala shoshili oinima oyo tu i ningilwe kovakulunhu vetu.

Oshoongalele osha tokola onhokolwa ei i tuminwe koshifo shOmukwetu yo i ka leshwe kovadali vahapu opo omhu-

Ano kuka gwana vakadona owo gapapa Reino notate ndjaNangura kuna lidingilire nondingili monombuda dawo asi: Ido nosali dawo. Omu nye ono ku yi gazara asi tani ku hupisa ko kweyi youzuni.

MoVakolinte 7:26-28 ame kuna kugazara asi morwamaudigu aga gana ku wiza. Ngano muntu wa fira kukara moomu wa kara. Nomovelise zo 29 vakwetu ame tani mu tantere asi siruwo sisupiko kutunda apa ava va kara novakadi va kare ngwendi kapi vava paka.

**Silas Lebbeus Katembo
Rupara, Mayenzere
Kavango**

Ewilikongundu lyaSWAPO lya tungululwa

Oshigongi shongunduwiliki yehangano lyaSWAPO pondje yoshilongo osha ningilwe 22-24.1.1986 moLuanda. Omalunduluko gamwe oga ningwa momutungulo gwokomitiye yeledo lyongundu ndjoka.

Omusamane Peter Mweshihange okwa ningi ngashingeyi Amushanga gwoshikondo shaakwiita peha lyanakusa Peter Nanyemba ngoka a hulithile 1983 moshiponga shoshihauto.

Omusamane Richard Kapelwa ngoka a kala noshilonga shoka okuza peso yaNanyemba, ngashingeyi okwa uthwa a ningi omugandjimayeke gwopaumwene gwomusamane Sam Nuuyoma.

Omusamane Mweshihange okwa kala shito Amushanga gwomakwatathano gopondje, oshilonga shoka shi ithanena ngashingeyi omusamane Theo Ben Gurirab, ngoka a kala shito omukalelipo gwaaluhe gwongundu kligwanahangano (UNO), hoka kwa tumwa omusamane Helmuth Angola.


Omusamane Hangula okwa kala shito omukalelipo gwongundu kOrepablika yaCuba, hoka kwa tumwa ngashingeyi omusamane Peter Tsheehama, ngoka naye a kala omukalelipo gwongundu muZambia.

Omusamane Timothy Hishongua, okwa ningwa Amushanga gwaagundjuka. Shito okwa kala omukalelipo gwongundu kiilongo yuumbangalantu kumwe naAustralia. Ehala lye olya pewa omusamane Joel Kaapanda.

Ewilikongundu lyomeni lyoshilongo ndyoka nalyo wo lya dhimbulula ompumbwe yokutungululwa omolwiilyo

mbwe yetu i ye okawi nokawi moshilongo ashishe.

**Okanona
Ngh. Fikameni**



yimwe ya thigi po oshilongo shika, olya tungwa ngaashi tashi landula:

Natanael Maxwilili, omupresidende nomupeha gwe Hendrik Witbooi; Dan Tjongarero omunashipundi, omupeha; Nico Bessinger amushanga gwiinima yopondje; Salomon Gamathan, Amushanga gwomaunganeko; Jason Angula, Amushanga gwaaniilonga; Jerry Ekandjo, Amushanga gwaagundjuka; Frans Kambangula Amushanga gwiiyenditho; Josua Hoebebe, Amushanga gweputudho; I.Ngatjizeko, Amushanga gwelelo; Gertrude Kandanga, Amushanga gwiinima yaakiintu; M.Kapewasha, Amushanga gwekonomi; B.Karuera, Amushanga gwiinima yaakulupe, I.Ngatjizeko, Amushanga gwiimaliwa niilyo iyali ya gwedhwapo A.Uushona naKahuika.

Oshigongi shaayeha shongundu yomeni lyoshilongo yaSWAPO, otashi ka ningwa numvo muApilili moka tashi vulika wo ehogololo epe tali ka ningwa. Nonondo kape na oveta ya mweneke ehanganu ndyoka, momathimbo ga piti iigongi yayo konyala aluhe oya halakanithwa ondjilakati.

Omukundaneki Halweendo

Omafiku a dile ko omukundaneki wetu Halweendo yaShipopyeni, okwa li ta endaenda kombinga inya yokOushimba. Efiku limwe okwe litwa moshiningwanima she mu difa omaxwilili okudja komutwe fiyo okeemhadi. Ovanaifo ovo a shakeneka nova li tave mu pulaa-pula, okwe va hokololela ta ti:

“Efiku limwe manga nda li kOushimba handi kongo omhepo komatango, omesho ange okwa shilwa komushitilo weendudu doponhele opo nda li. Onda enda fiyo nda va koxulo yondudu imwe. Onda li nda hokwa unene okutala noku-kuma omamanya omaluvala e lili noku lili. Eshi nda ka yelula omesho kombinga imwe, kokule kanini, onda mona ko oinima tau laula wo tau linyengaanyenga.

“Onda enda kanini nakanini nda finda lwaa ko ndi wete omalinyengo. Onda enda ko oshinano fiyo handi mono kutya oshinima oumatyona ve dulife pomulongo ve li mefilu. Onda ehena popilela, opo tuu ndi tale nawa eshi tava ningi.

“Eshi vamwe va mona nge, ova kukuma mngendabala yokufaduka po; ashike eshi vamwe va mona kutya kandi na sha meke shoku va etela oshiponga, ova ifana vakwao neemwila noku va lapa va aluke.

“Manga handi tale nehaluko linene osho tava ningi, onda li yo handi va tongolola nawa. Ove na omalutu matoka, a fya outalala nokwa dengwa nai koluhepo. Vamwe otava tale nge nawa vo itava popi; vamwe vali otave litukaulile oipambu yomboloto va fa ve he na ko nasha nehokepo lange; penya opu na vali vamwe tava koonna meendooxa dombelela; omanga vamwe tava hade natango moipakete ya xwelwa oinima i lili noku lili.

Omunhu ino pumbwa nokuli okupula kutya onhele ei oyashike, shaashi omesho oye otae ku lombwele nale kutya owa fikama poshala shokweekela oimbodi. Konima otwa va navo meenghundafana, ndele tava hokololele nge oudjuu aushe ou tau va lifa oikulya ya ekelwashi

(Etwikilo tala moifo tai landula.)

“Shaloom” (ombili tuu?)




Methano ndika Aajuuda ye li melongelokalunga mosinagoga, esiku lyesapati

Moshiithanene shoonakweenda kuIsraeli shono sha gongalele mOniipa eti 3.11.1984, aakali moshigongi shoka oya li ya kundathana nokukoneka kutya opu na ontseyo inaayi ihwa po kombinga yeve eyapuki mokati kaakriste yOngeleki yetu.

Omolwonkalo ya tya ngeyi, aakali moshigongi sha tumbulwa, moonkundathana dhawo oya li ya ningi omathaneke taga landula:

a) Pu hololwe ompito yokwaandjaganeka ontseyo yi li hwepo kombinga yeve eyapuki mokati kaariste yongeleki yetu (ELCIN).

b) Ku yeleanithwe yimwe yomiituthi yopakriste pamwe niituthi yOshijuuda, opo aakriste ya yelwe koonziililo dhiitudhi yimwe nomayooloko omanene pokati kiituthi yaalongelikalunga mbaka yaali.



Omusita Set Son Shivute ngoka a longekidha okafo kedhina Shalom Chaverin moka mwa zi okapopiwa hoka. Natango oto ka uva sha kombinga yaIsrael.

c) Ku longekidhwe okafo okashona moka tamu kala nokuhololwa omauyeleele nontseyo ndjika. Ku nyolwe wo Omukwetu kombinga yiinima mbika osho wo ku etwe iipopwa miigongi yontumba tayi mbwalangandjeke ontseyo yaa-kriste kombinga yeve lyaPalestina.

Okapopiwa hano oko onkambadhala yotango yu ukitha mokutsakanitha omadhiladhilotheke goonakweenda ku-Israeli, ya kala nago, nongaashi ga holola mokugongala pamwe mesiku lya tumbulwa pombanda.

Opwa tegelelwa omathaneko omakwawo galwe, nolyoye wo. Otaku tegelelwa wo eindilo lyokugongala li hololwe mbala, kiilyo tayi shi tala sha pumbiwa.

Mbyoka tayi inyenge momadhiladhilo goye, yi tumina mbala kaalongekidhi yokulipo S.S.Shivute na H.Mp.Paul, Private Bag 2018, Ondangwa, 9000.

ISRAEL: Oshilongo shino oshi na ondjokonona ya za nale. Osha kondjelwa nosha pangelwa komapangelo gi ili nogi ili, ihe osha fa kutya sigo onena omapangelo ngo ge li ko omanankondo onkee ngaa ge shi hala. Omuntu oto kumwa kutya oshike naanaa shono sha kala moshilongo shono, osho ando hashi kondjelwa?

Sho shene Israeli oshilongo oshishuushuka moku shi yeleka nevi lyetu Namibia. Oshi na uunene u thike poombinekilometa 86,000, notashi gwana mo lwo 9,5 mevi lyetu.

Oshilongo shino osho shimwe shoka edhina lyasho lya kala nokulunduluka olwindji methimbo lyehistoli lyasho. Pethimbo lyontumba oshi ithanwa “Evi lyaKaanana,” pethimbo ekwawo shi ithanwa “Evi lyeuvaneko” osho wo “Evi lyaPalestina.”

Molwaashono mevi muka omwa valelwa Jesus Kristus, oshilongo oshi ithanwa wo “Evi eyapuki” (unene kaakriste). Okuza 1948 sho sha miono eipangelo lyasho, ohashi ithanwa ngashingeyi “ISRAEL”. Omauyeleele gamwe kombinga yoshilongo shino oge li ngeyi:

Epangelo: - Oshilongo osho Orepabulika, shoka tashi ti oshi na epangelo lya manguluka.

Aakalimo: - Oye thike poomiliyona 4,5. Aajuuda oya thikama momihoko 2 tadhilanda: **Ach.enazi naSefard** (Shefard). Aayarabia, Aadriize nAakriste.

Omahupilo: Uukwafabulika, omappa noomina.

Iipindikwa pondje: Iiyimati, iikwafabulika nokawe.

Omalaka: Oshihebeli, Oshiarabia nOshiyidish

Omaitaalo: Uujuuda 84%, uumuhamendi 30,5% nuukriste 2,5%.

Iimaliwa: Shekel - Iisekali

S.S.Shivute

Oveta yuuthemba womuntu mepangelo lyopokati nomakwato gaantu

“Omakankameno guuthemba womuntu goveta R 101, oga hulitha po noga pingena ooveta adhihe dhegameno muNamibia ndhoka dha kala inaadhi gamena omuntu, osha popiwa kuhahende Ian Farlam mohofa yopombanda mOvenduka.

Aalumentu 7 oya holokele mompangu eti 4.2.1986 naishewe 13.2.1986 mOvenduka, sho taa tamanekelwa epogolo koveta yuukulo nokoveta yomathiminiko gopaukomonisi. Ekwato lyawo olya ningilwe 1985 petameko.

Mompangu hahende Farlam okwa ti oveta (Proclamation) R 101 kayi shi ashike oveta (law) yowala yi na oshitopolwa shasha mekotampango lyaNamibia. Oyi na omukanka gwelunduluko moveta yekotampango lyoshilongo.

Okwa gwedha ko natango ta ti oProklamasasi R 101 otayi popi kutya omakankameno agehe guuthemba womuntu oge na okusimanekwa noku dhigininwa komapangelo ngoka tage ya po notayi gamenenwa po komautho gomekotampango lyo lyene.

Oveta yuukulo noveta yethiminiko lyopaukomonisi, ngashingeyi odhi li koho yoveta yuuthemba womuntu, osho omusamane Farlam a popya mohofa nokwa indile ohofa yi ethe aatamanekwa.

Aatamanekwa 7 oyo: Vilho Kashululu (22) o-munasikola; Erastus Uutoni (28) ha longo mehangano lyaAsulansa; Desiderius Ankome (26) omulongi; Frans Angula (28); Bernadinus Petrus Shikongo (47) omulongi; Elkana Shoombe Simon (21) naNorbert Ankome (25).


Okwa tiwa pamushangwahokololo ngoka tagu ya tamaneka, otagu ti aatamanekwa oya li ye na ekwatathano nenge ye shi ko sha ketopo lyooboma odhindji mOwambo mwa kwatelelwa naandjoka ya lile Aayamerika pomahooli muApilili 1984 mOshakati. Ayehe inaa zimina ondjo yawo.

Omupanguli Strydom okwa ti oveta yuukulo noyethiminiko lyopaukomonisi, odha totelwe mu SA 1950 na 1967 nodha li dha longithwa wo nomu SWA manga oProklamasasi R 101 inaayi totwa, onkene otadhi kala miilonga sigo dha kuthwa po kepangelo ndyoka li na onkondo li thike puIyo.

Okwa gwedha ko ta ti oProklamasasi ndjoka R 101, oyi na okuleshwa kumwe noveta (Act) yekotampango lya SWA osho wo nooveta (laws) oonkwawo ndhoka tadhilanda yelitha nkene omupresidente gwoshilongo sha SA noshigongi shetoto lyooveta, oyo ye na natango oonkondo dhetoto lyooveta dhoshilongo shika.

Oonkondo dhoshigongi shetoto lyooveta dhoshigwana mu SWA odhi li natango koho yoonngundu ndhoka mbali dha SA (omupresidente gwoshilongo noshigongi shetoto lyooveta), osho omusamane Strydom a popi mohofa, sho a tindi emangululwo lyaatamanekwa.

Epangulo otali tsikile natango.




OWE SHI SHIIVA TUU? KUTYA

Omakaya itae ku etele ashike oiponga nouyehame molutu. Omakaya otae ku kufa yo ehala lokulya. Luhapu eshi mu he na sha medimo, otali tameke okweehama. Okutya ngaa nge wa li kanini otali ehama, u kale ino lya natango otali ehama.

Omakaya otae ku vake eliko loye. Oilya, oimaliwa noimuna oto i manene momakaya kooshimwe nooshimwe, kanini nakanini fiyo wa toka. To tokekwa komakaya.

Ovanhu yo otave ku i kokule omolwokwiindilwa alushe oukaya ile ofilinga yomakaya.

Ava ihava nu omakaya inava hokwa omwifw nedimba lomakaya, otashi dulika tave ku kukuma, ove u dilaadile kutya ovanhu ove ku tonda, ndele mboli omolwomakaya. Hoolola po nge oto kala nomakaya ile onovanhu. Luhapu vahapu ova etelwa eenhamana komakaya, navamwe va liwa inava liwa.



mbangi dhe ndhoka e etele dha li dha gama kuye dhe shi zimine kutya oku na ondjo.

Kehe gumwe ota pewa ethimbo lya gwana noopito dhelongekidho nodhokweeta po oshipotha she mepangulo. Kehe gumwe oku na uuthemba wokwaadha omugandjimaye gwopaveta moshinima shoka te shi tamanekelwa.

Kape na ngoka ta pangulwa, ta monika ondjo nenge a geeletwe oshinima a mana nale okupangulwa musho, ngele a monikile ondjo paveta nenge inee yi monikwa.

Okatendo 5: Omuntu kehe oku na uuthemba nemanguluko lyokuholola omadhiladhilo ge, omaiwo osho wo eitaalo lye ndyoka ha longele, sha kwatelela mo emanguluko lyokukonga, lyokutaamba nolyokunyolela kiifo nenge kiyyakulitho yilwe ya fa mbyoka.

Uuthemba mboka otau ngambekwa ashike pashimpwiyu she shokutala kutya ehologo ndyoka lyomadhiladhilo itali hindi uuthemba wayalwe, itali yonagula elandulathano lyoshigwana nenge kamu na ehindo lyegameno lyoshigwana.

Omahooli muSodom?

Oshifo shedhina "INSIDE ISRAEL" Vol.5 No.12, osha kundaneke kutya muSodom ngashingeyi otamu mboolwa oomboola 8 dhokukonga omahooli muIsrael.

Oshinima shika osha talwa oprojeka onene tayi kotha oodola oomiliyona 50, noshilambo shotango osha mboolwa nokuli mooha dhEfuta lya sa, pehala hali ithanwa Har Sedom, ndyoka tali talwa li li mpoka pwa li Sodom shomOmbimbeli.

Oshiningwanima sha hokololwa mOmbimbeli kombinga yaSodom, otashi inyenge ethimbo alihe momadhiladhilo gaambooli, sho taa dhimbulukwa omukulukadhi gwaLot, yo taa tala wo oondundu dhaMoab kuuzilo, niikulundundu yaJuda kuuninginino.

S.S.Shivute



MuApilili omumvo 1984 omahooli gaKatana mOshakati oga yonagulwa po ketopo lyoboma. Aayamerika yaali oya sile mo nomunangeshefa Tomas Nakambonde; manga yamwe ye ehamekwa nayi. Eyonuko lyokombanda otali monika methano ndika

wokugamenwa paveta keidhopo mo lya tya ngaaka.

Okatendo 4: Pamatokolo guuthemba we nopainakugwanithwa ye moshigwana nomepogolo kehe omuntu te li tamanekelwa, kehe gumwe okwa pewa uuthemba wokupulakenwa epulakenwo lya yela lyomontaneho te li ningilwa kohofa ndjoka inaayi gama ombinga, yi li kuyo yene noya tulwa po paveta.

Ontaneho ndjoka otashi vulika inaayi kwatelela mo aaniifonkundana noshigwana ashihe oshitopolwa ashihe shepangulo nenge shimwe po omolwegameno lyeihumbato lyomuntu nenge molwewelandulathano lyopashigwana nenge molwukupopila egameno lyoshigwana ashihe.

Kehe etokolo mepangulo tali gandjwa molweyono nenge molwoshilonga shontumba moshigwana, otali ningilwa montaneho, okuninga pwa uthwa shilwe shi ili omolwomuntu ngoka e li moshinima ngele omugundjuka unene.

Omuntu kehe ta tamanekelwa ondjo oku na uuthemba wokuholola kutya ke na ondjo, sigo a tompelwa paveta kutya ye omunandio uuna noo-

Iitsa yimwe yomekankameno lyoveta yuuthemba womuntu pepangelo lyopakathimbo

Aantu ayehe oya valwa ya manguluka noye na uuthikepamwe ye u pewa kOmu-shiti gwawo, ye na esimano lyuuntu nuuthemba itaaye u yugwa nando okulye.

Okatendo 2: Kape na ngoka ta kwatwa nenge ta tulwa mondholongo pwa shi paveta. Kape na ngoka ta kuthwa emanguluko lye, okuninga tashi ningwa pamatompelo nopamulandu gwoveta ndjoka ya tulwa po.

Kape na ngoka te edhililwa mondholongo uule wethimbo inaali uthwa nopwaa na epangulo lya yela lyomohofa. Kape na ngoka te ehamekwa nenge a ningilwe sha shilwe oshiwinyi shaa shi shopantu nenge a ningilwe egeelo ewinayi.


Kape na ngoka ta ningilwa sha shaa shi shopaveta, shokwiidhopa miinima yopaumwene, egumbo lye, niinyolwa ye. Kehe gumwe oku na uuthemba

Okatendo 6: Kehe gumwe oku na uuthemba wa mangulukila oshigongi shopambili, okuninga ekelelo lya pumbiwa owina okupopila elandulathano lyoshigwana, uukalinawa eihumbato nawa nenge okupopila uuthemba wayalwe wa uthwa moveta.

Okatendo 8: Omukwashigwana kehe oku na uuthemba wokukala momainyengo gopapolitika pambili ngoka ge na okunwetha mo omutungilo nomulandu gwepangelo.

Omukwashigwana kehe oku na uuthemba wokutota nowokuya moopaati dhopapolitika nokwiiutha kooveta, okukala miipopiwa yinima yopashigwana, te shi ningi, ngele ye mwene nenge ta pitile maakalelipo mboka ya hogololwa pamukalo gwa manguluka.

Elongitho lyuuthemba mboka, otali ngambekwa ashike koshinakugwanithwa shokwiikelela kuutondwe kehe wopaukwamuhoko, wopaukwaludhi nenge wopaitaalo nokuninga omasikumudhilo nomatongolathano gopautondwe nogopalongitho lyekuni.



Kuku Johannes Kalumbukanene, okwa mana oondjenda dhe omasiku 28.1.1986, moshipangelo mOshakati, konima yuwehame wethimbo efupi. Okwa thigi ko omuselekadhi, oyana 6, aatekulu 41 naatekulu-lulwa 8.

Peha lyaavalwa
Matheus J. Kalumbu

Onghuwo yoluhodi oya udika momukunda Omafa meongalo Olupandu, eshi omushamane Petrus Nghifimule a mana oweenda waye 30.11.1985 moshipangelo shaKatana mepupi leedula 75. Okwa fiya ko omufiyekadi, oonona 18 noutekulu.

Kalunga na fete po omahodi etweni ava twa kumwa keyo eli.

J.H.Nghifimule

Anna Megameno A.Kakonya oshilyo shegongalo, Elombe, okwa thigi po uyuni mbuka eti 19.1.1986, moshiponga sholwaadhi.

Anna Megameno okwa kala muuyuni mbuka omvula 11, nomwedhi gumwe nomasiku 15. Okwa thigiko aakuluntu ye naamwayina 5. Luk.14:1-4;6a.

Omumwayina T.N.limene
Box 346, Ondangwa 9000

Paulina Petrus Kangunga (19) okwa mana oweenda waye momafiku eshi a li 11.1.1986 moshipangelo shaShakati molwouyehame. Eimbilo 410 na 411.

Ndimelao Ndapewa Shilongo
Eengedjo Sec. School

BUSINESS OPPORTUNITY OVAMBOLAND

An exceptional opportunity exists for a businessman to acquire an existing business complex near Ondangwa at Onamagongua, on the road to Oniipa.

The complex consists of

- Large supermarket
- Wholesale warehouse
- Car showroom
- Fish and chip shop
- Bottle store
- Shell service station

The complex is for sale, but may also be leased with an option to buy.

At least R100 000 capital is required.

Interested persons should contact the auditors:

Mr Hans Stier,
PO Box 20616,
WINDHOEK 9000
Tel (061)-31489/34030

OKERSESA YEDHIGININOMAMBO

Otayi ka kala ko okuza Mai sigo Juli 1986. Otayi ka ilonga omambo ngaashi:

CASH BOOK

SALES BOOK

PURCHASES BOOK

DEBTORS LEDGER

CREDITORS LEDGER

STOCKTAKING PROCEDURES

GENERAL SALES TAX

PETTY CASH BOOK

MARKETING: (an introduction)

Ontseyo yOshiafrikaanisa nenge Oshiingilisa oya pumbiwa unene. Ngele ou na ehalo, nyolela kondjukithi tayi landula u tuminwe oofooloma ngweye u uve kutya okersesa ayihe otayi ka kosha ngiini.

Nelago Kasuto
P.O.Box 23084
WINDHOEK
9000

Mokudhenga ongodhi longitha omathimbo taga landula:

Ethimbo	Onomola yongodhi
8 - 12H00	24093
14 - 16H30	37166
Konima yilonga	62459

Oshitukimbepo Giotto sha tumwa konyothi yaHalley

Konyothi yaHalley ndjoka pethimbo ndika tayi taakana ewangandjo, okwa tumwa oshituki shi ke yi konakone popepi. Oshituki shedhina Giotto osha tuminwe kehanga-no lyiituk: IyaEuropa muJuli gwa zi ko nosha tegelelwa shi thike popepi nonyothi ndjoka ookilometa 500 eti 13.3 1986.

Oshituki osha longekidhwa wo okukutha sho shene omathano konyothi ndjoka, olwaala nomutungilo gwayo nkene ya tya nokutuma uuyelele auhe kaakonakoni kevi. Otaku tiwa olwo lwotango taku ningwa onkambadhala onene yokukonakona onyothi ndjoka ya tseyika okuza konyala omumvo 1500.

OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo
Ondando yOmukwetu muNamibia naSouth Africa
R5,00 komumvo.

Palwe muAfrica R 8,00 nokombanda yomafuta
R11,00 komumvo. Mondhila R13,00.

Oondando nomambesitelo agehe naga tumwe
kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, ONDANGWA 9000
SWA/NAMIBIA